

NOS TA BENDE AUTO SEGUNDA MANO SO !

Nos ta cambia auto y dunabo Bon Deal tambe.


1982 OLDSMOBILE
"OMEGA"
4 porta full equipa F.8950

1982 HONDA Quintet
4 porta/airco/ AM-FM
Cassette, sunroof F.8500

1982 TOYOTA Corolla
4 porta deluxe AM-FM
f. 6500,-

1982 TOYOTA Starlet
4 porta DL AM-FM
F. 5950,-

1981 DATSUN Laurel
4 porta GL Airco/cassette
radio AM-FM/powersteering..fl. 11500,-



1984 MITSUBISHI Pickup
radio AM-FM fl. 8950,-

NOS TA HABRI AWE Y DIALUNA lesea Pueblo di Aruba Hopi Prosperidad.

48872/45680

LA NUEVA FUERZA A LOGRE ATROBE NA 84

ORANJESTAD(AAN)—
La Nueva Fuerza ayera a emiti un comunicado den cual director Vicente Kelly ta gradici tur esnan cu a sa di reconoce e calidad di musica y grabacion di La Nueva Fuerza pa coloca e conhunto aki na prome lugar durante 1983 y 1984.

La Nueva Fuerza pa di dos aña consecutivo a ter-

mina numero 1 den top 100 di Voz di Aruba-Canal 90.

Aña 1983 tabata "Mi Soño" cu a conquista e puesto ey, y e aña cu a pasa "Mi Banana" un vez indiscutiblemente tabata disco di aña.

Remarcable ta cu La Nueva Fuerza di Aruba cu Mi Banana a logra e

puesto di mas halto den e top 100 di henter Antillas pa loque ta agrupacionnan di Antillas, tanto di Aruba como di Curacao.

Mi Banana a ser graba na november 1983 y a keda mas di seis luna un di e grandinan y te ainda ta sonando tanto na Aruba como den exterior.

Mi Banana tabata e saporte di La nueva Fuerza pa Bonaire, Curacao, Santo Domingo y Colombia. Den 1984 La Nueva Fuerza a sali 7 biaha di Aruba pa actuacionnan.

Despues di a keda lunas den e prome lugarnan na barranquilla, Cartagena y Santa Martha, awor e ta penetrando den e interior

di Colombia, esta Bogota, Cali y Medellin.

Tambe figurando den e prome lugarnan na Panama y Costa Rica y hasta a sona na Miami, Boston, y New York. Mi Banana sin duda lo keda como un cancion inmortal, segun director Vicente Kelly di La Nueva Fuerza.

PROME LUSTRO BALLOON PUB CU FIESTA TITANICO

ORANJESTAD(AAN)—
Ayer merdia Balloon Pub a informa di e celebracion di prome lustro di e nightclub aki, cual ta ser celebra e weekend aki.

Sr. Freddy Lejuez cu actualmente ta operando Balloon Pub durante un Pressluncheon a duna informacion di e acontecimiento aki, mientras cu Joon Trimon a duna relato di e comienzo di e nightclub cu lugar pa 50 persona y con esaki a crece te cu awe tin un airco disco pa 300 hende y ademas pafu tin e patio cu espacio pa 500 persona.

Intencion ta pa expande e patio aki, ya cu ultimo temponan Balloon Pub a bira un di e lugarnan mas popular di actividad, y cu lo haci e sitio mas agradabel ainda pa e bishitantenan.

Ayer merdia Sr. Trimon a ser sorprende tambe cu un plaqueette entregada door di Sr. Lejuez na ocasion di prome lustro di e establecimiento.

Diadomingo awor lo tin

e fiesta di celebracion, cu lo cuminsa for di 7 or anochi, te cu 1 or di mardruha na cual fiesta lo tuma parti e agrupacionnan musical cu den e cinco añaan aki a toca na varios ocasion den Balloon Pub. Ta ser spera cu por lo menos 8 agrupacion lo toca pa e fiesta aki, cu dos set cada, celebrando asina e cinco añaan di existencia di Balloon Pub. lo tin ademas varios concurso di baile y ayera por a admira tambe e plaquettenan y trofeonan cu tin disponibel pa e concursionan aki. Lo cobra solamente dos florin pa entrada, y esey ta pa cubri gastonan di promocion cu ta ser haci pa e celebracion di weekend.

Awe nochi caba e celebracion ta cuminsa cu fiesta bailable cu La Nueva Fuerza y tambe grupo tipico di Haime Pimienta cu alavez lo presenta su dande. Mañan anochi e festividadnan ta continua cu fiesta bailable cu TIME y Malomania pa habri diadomingo di cele-

bracion, na cual ta ser spera colaboracion di tur agrupacionnan musical di nos isla.

Sr. Lejuez ta maneha-

do e establecimiento dos luna caba y por bisa cu Jen e dos lunanan cu a pasa, especialmente cu yudanza di su rumannan, el a sa di crea un imagen

nobo pa Balloon Pub, apesar di mala suerte cu el a pasa aden na dos ocasion cu robo grandi a tuma lugar den e establecimiento aki.

GHOSTBUSTERS TA SWING DEN BOULEVARD THEATER



ORANJESTAD(AAN)—
For di habrimiento di aña, e teaternan di Boulevard, uno y dos, ta den swing cu e pelicula di momento, Ghostbusters cu rond di mundo a haci un impacto grandi y ta ser considera como un di e

peliculanan cu ahaci mas ganashi durante ultimo lunanan.

Publico cu ta bishita theatronan, actualmente a custumbra cu Science Fiction y peliculanan di terror y horror, den cual efectonan special ta dominante. Den Ghostbusters, e tecnica aki, prepara deliberadamente pa trece efectonan humoristico a duna su resultado y ta inspira hasta na satira.

E pregunta tabata cu si e publico lo acepta esaki y durante e lunanan cu a pasa a resulta cu e contesta ta ser contesta afirmativo, ya cu unda cu e pelicula aki a draai el a resulta den exito grandi.

E efectonan na varios

ocasion si a kita poco di e humor, pero no ta kita nada di e esencia di e historia. E actornan Bill Murray, Dan Aykroyd, y Harold Ramis ta comediantenan cu tin papelnan potencialmente fertil como partners den e compania cu nan a forma pa core cu spirito den area metropolitano di New York.

Tur cos cu tin di haber cu spirito e compania aki ta ataca pa trece tranquilidad. Sigourney Weaver ta hunga papel di e prome cliente y cu su belleza e tin ademas un corahe, pero ni e ni su compañeronan masculino ta rival

Sigourney Weaver